





周易序

易之爲書。卦爻象象之義備而天地  
萬物之情見。聖人之憂天下來世。其  
至矣。先天下而開其物。後天下而成  
其務。是故極其數以定天下之象。著  
其象以定天下之吉凶。六十四卦。三  
百八十四爻。皆所以順性命之理。盡  
變化之道也。散之在理。則有萬殊。統





之在道則無二致所以易有太極是  
生兩儀太極者道也兩儀者陰陽也  
陰陽一道也太極無極也萬物之生  
負陰而抱陽莫不有太極莫不有兩  
儀網緼交感變化不窮形一受其生  
神一發其智情偽出焉萬緒起焉易  
所以定吉凶而生大業故易者陰陽  
之道也卦者陰陽之物也爻者陰陽

之動也卦雖不同所同者奇偶爻雖  
不同所同者九六是以六十四卦為  
其體三百八十四爻互為其用遠在  
六合之外近在一身之中暫於瞬息  
微於動靜莫不有卦之象焉莫不有爻  
之義焉至哉易乎其道至大而无不  
包其用至神而无不存時固未始有  
一而卦未始有定象事固未始有窮



而爻亦未始有定位。以一時而索卦。則拘於无變。非易也。以一事而明爻。則窒而不通。非易也。知所謂卦爻象之義。而不知有卦爻象象之用。亦非易也。故得之於精神之運。心術之動。與天地合其德。與日月合其明。與四時合其序。與鬼神合其吉凶。然後可以謂之知易也。雖然。易之有卦。易之已形者也。卦之有爻。卦之已見者也。已形已見者。可以言知。未形未見者。不可以名求。則所謂易者。果何如哉。此學者所當知也。

周易序終



周易卷之一

周易上經



乾上

乾元亨利貞。初九潛龍勿用。九二見

賢遍龍在田。利見大人。九三君子終

日乾乾。夕惕若厲。无咎。九四或躍在

淵。无咎。九五飛龍在天。利見大人。上

九亢苦浪龍有悔。用九見賢遍群龍

*[Faint bleed-through text from the reverse side of the page, including characters like '乾元亨利貞' and '初九潛龍勿用']*



无首吉。彖曰：大哉乾元，萬物資始，乃  
統天。雲行雨施，始品物流形。大明  
終始，六位時成，時乘六龍以御天。乾  
道變化，各正性命，保合太和，乃利貞。  
首出庶物，萬國咸寧。象曰：天行健，君  
子以自彊不息。潛龍勿用，陽在下也。  
見龍在田，德施普也。終日乾乾，反復  
道也。或躍在淵，進无咎也。飛龍在天。

大人造也。亢龍有悔，盈不可久也。用  
九，天德不可為首也。文言曰：元者善  
之長也，亨者嘉之會也，利者義之和  
也，貞者事之幹也。君子體仁足以長  
上聲人，嘉會足以合禮，利物足以和義。  
貞固足以幹事。君子行此四德者，故  
曰乾元亨利貞。初九曰：潛龍勿用，何  
謂也？子曰：龍德而隱者也，不易乎世。



不成乎名。遯世无悶，不見是而无悶。

樂音洛則行之。憂則違之。確乎其不可

拔，潛龍也。九二曰：見龍在田，利見大

人，何謂也？子曰：龍德而正中者也。庸

言之信，庸行下孟之謹，閑邪存其誠

善世而不伐，德博而化。易曰：見龍在

田，利見大人，君德也。九三曰：君子終

日乾乾，夕惕若厲，无咎。何謂也？子曰：

君子進德脩業，忠信所以進德也。脩

辭立其誠，所以居業也。知至至之，可

與幾堅溪也。知終終之，可與存義也。

是故居上位而不驕，在下位而不憂。

故乾乾因其時而惕，雖危无咎矣。九

四曰：或躍在淵，无咎。何謂也？子曰：上

下无常，非為邪也。進退无恒，非離勸

反羣也。君子進德脩業，欲及時也。故



无咎。九五曰：飛龍在天，利見大人。何謂也？子曰：同聲相應，同氣相求。水流濕，火就燥，雲從龍，風從虎，聖人作而萬物覩，本乎天者親上，本乎地者親下，則各從其類也。上九亢龍有悔，何謂也？子曰：貴而无位，高而无民，賢人在下位而无輔，是以動而有悔也。潛龍勿用，下也。見龍在田，時舍去聲也。終

日乾乾，行事也。或躍在淵，自試也。飛龍在天，上治平聲也。亢龍有悔，窮之災也。乾元用九，天下治直吏反也。潛龍勿用，陽氣潛藏，見龍在田，天下文明。終日乾乾，與時偕行。或躍在淵，乾道乃革。飛龍在天，乃位乎天德。亢龍有悔，與時偕極。乾元用九，乃見天則。乾元者，始而亨者也。利貞者，性情也。乾始



能以美利利天下。不言所利大矣哉。  
大哉乾乎。剛健中正純粹精也。六爻  
發揮旁通情也。時乘六龍以御天也。  
雲行雨施天下平也。君子以成德為  
行。下孟反日可見之行也。潛之為言  
也。隱而未見。賢遍反行而未成。是以君  
子弗用也。君子學以聚之。問以辨之。  
寬以居之。仁以行之。易曰。見龍在田。

利見大人。君德也。九三。重直龍反剛

而不中。上不在天下不在田。故乾乾

因其時而惕。雖危无咎矣。九四。重剛

而不中。上不在天下不在田。中不在

人。故或之。或之者疑之也。故无咎。夫

扶音大人者。與天地合其德。與日月合

其明。與四時合其序。與鬼神合其吉。

凶。先悉薦反天而天弗違。後胡豆反天而



奉天時。天且弗違。而況於人乎。況於鬼神乎。亢之為言也。知進而不知退。知存而不知亡。知得而不知喪。息浪反其唯聖人乎。知進退存亡而不失其正者。其唯聖人乎。

三三三 坤下  
三三三 坤上

坤元亨。利牝馬之貞。君子有攸往。先迷後得。主利。西南得朋。東北喪。息浪反

朋安貞吉。彖曰。至哉坤元。萬物資生。乃順承天。坤厚載物。德合无疆。含弘光大。品物咸亨。牝馬地類。行地无疆。柔順利貞。君子攸行。先迷失道。後順得常。西南得朋。乃與類行。東北喪朋。乃終有慶。安貞之吉。應地无疆。象曰。地勢坤。君子以厚德載物。初六。履霜。堅冰至。象曰。履霜。堅冰。陰始凝也。馴



至其道。至堅冰也。六二直方大不習  
无不利。象曰六二之動直以方也不  
習无不利。地道光也。六三含章可貞  
或從王事无成有終。象曰含章可貞  
以時發也。或從王事。知音光大也。六  
四括囊无咎无譽。象曰括囊无咎慎  
不害也。六五黃裳元吉。象曰黃裳元  
吉。文在中也。上六龍戰于野其血玄

黃。象曰龍戰于野其道窮也。用六利  
永貞。象曰用六永貞以大終也。文言  
曰。坤至柔而動也剛。至靜而德方。後  
得主而有常。含萬物而化光。坤道其  
順乎。承天而時行。積善之家。必有餘  
慶。積不善之家。必有餘殃。臣弑其君  
子弑其父。非一朝一夕之故。其所由  
來者漸矣。由辨之不早辯也。易曰履



霜堅冰至蓋言順也直其正也方其  
義也君子敬以直內義以方外敬義  
立而德不孤直方大不習无不利則  
不疑其所行也陰雖有美含之以從  
王事弗敢成也地道也妻道也臣道  
也地道无成而代有終也天地變化  
草木蕃天地閉賢人隱易曰括囊无  
咎无譽蓋言謹也君子黃中通理正

位居體美在其中而暢於四支發於

事業美之至也陰疑於陽必戰為偽

反其嫌於无陽也故稱龍焉猶未離

力智反其類也故稱血焉夫音扶玄黃者

天地之雜也天玄而地黄



震下  
坎上

屯元亨利貞勿用有攸往利建侯豕

曰屯剛柔始交而難乃反旦生動乎險



中。大亨貞。雷雨之動滿盈。天造草昧。宜建侯而不寧。象曰：雲雷屯。君子以經綸。初九：磐桓。利居貞。利建侯。象曰：雖磐桓。志行正也。以貴下賤。大得民也。六二：屯如遭<sub>張連</sub>如。乘馬班如。匪寇婚媾。女子貞。不字。十年乃字。象曰：六二之難<sub>乃旦</sub>。乘剛也。十年乃字。反常也。六三：即鹿无虞。惟入于林中。君

子幾<sub>音機</sub>不如舍<sub>音捨</sub>。往吝。象曰：即鹿无虞。以從禽也。君子舍之。往吝窮也。六四：乘馬班如。求婚媾。往吉。无不利。象曰：求而往。明也。九五：屯其膏。小貞吉。大貞凶。象曰：屯其膏。施<sub>武</sub>未光也。上六：乘馬班如。泣血漣如。象曰：泣血漣如。何可長也。

 坎下 艮上



蒙亨。匪我求童蒙。童蒙求我。初筮告。

古毒 再三瀆瀆則不告。利貞。彖曰。蒙

山下有險。險而止。蒙。蒙亨。以亨行。時

中也。匪我求童蒙。童蒙求我。志應也。

初筮告。以剛中也。再三瀆瀆則不告。

瀆蒙也。蒙以養正。聖功也。象曰。山下

出泉。蒙。君子以果行。下孟育德。初六

發蒙。利用刑人。用說。吐活桎梏。以往。

吝。象曰。利用刑人。以正法也。九二。包

蒙。吉。納婦。吉。子克家。象曰。子克家。剛

柔接也。六三。勿用。取。土具女。見金夫。

不有躬。无攸利。象曰。勿用取女。行。下孟

不順也。六四。困蒙。吝。象曰。困蒙之

吝。獨遠。于萬實也。六五。童蒙。吉。象曰。

童蒙之吉。順以巽也。上九。擊蒙。不利

為寇。利禦寇。象曰。利用禦寇。上下順



也。

三三

乾下  
坎上

需。有孚。光亨。貞吉。利涉大川。彖曰。需。須也。險在前也。剛健而不陷。其義不困窮矣。需有孚。光亨。貞吉。位乎天位。以正中也。利涉大川。往有功也。象曰。雲上於天。需。君子以飲食宴樂。音洛初九。需于郊。利用恒。无咎。象曰。需于郊。不

犯難

乃旦反

行也。利用恒。无咎。未失常

也。九二。需于沙。小有言。終吉。象曰。需于沙。衍在申也。雖小有言。以吉終也。

九三。需于泥。致寇至。象曰。需于泥。災在外也。自我致寇。敬慎不敗也。六四。

需于血。出自穴。象曰。需于血。順以聽也。九五。需于酒食。貞吉。象曰。酒食貞吉。以中正也。上六。入于穴。有不速之



客三人來敬之終吉象曰不速之客來敬之終吉雖不當都浪位未大失也



坎下 乾上

訟有孚窒惕中吉終凶利見大人不利涉大川彖曰訟上剛下險險而健訟訟有孚窒惕中吉剛來而得中也終凶訟不可成也利見大人尚中正

也。不利涉大川。入于淵也。象曰。天與水違行。訟。君子以作事謀始。初六。不永所事。小有言。終吉。象曰。不永所事。訟不可長也。雖小有言。其辯明也。九二。不克訟。歸而逋。其邑人三百戶。无眚。象曰。不克訟。訟歸逋。竄也。自下訟上。患至掇也。六三。食舊德。貞厲。終吉。或從王事。无成。象曰。食舊德。從上吉也。



九四不克訟復即命渝安貞吉象曰復即命渝安貞不失也九五訟元吉象曰訟元吉以中正也上九或錫之鞶帶終朝三褫反之象曰以訟受服亦不足敬也

  
坎下坤上

師貞丈人吉无咎彖曰師衆也貞正也能以衆正可以王往况矣剛中而

應行險而順以此毒天下而民從之吉又何咎矣象曰地中有水師君子以容民畜衆初六師出以律否臧凶象曰師出以律失律凶也九二在師中吉无咎王三錫命象曰在師中吉承天寵也王三錫命懷萬邦也六三師或輿尸凶象曰師或輿尸大无功也六四師左次无咎象曰左次无咎



未失常也。六五田有禽，利執言，无咎。  
長子帥師，弟子輿尸，貞凶。象曰：長子丈丁  
反子帥師，以中行也。弟子輿尸，使不  
當去聲也。上六大君有命，開國承家。小  
人勿用，象曰：大君有命，以正功也。小  
人勿用，必亂邦也。



比

毗志反

吉原筮元永貞无咎不寧方

來後夫凶。彖曰：比，吉也。比，輔也。下順  
從也。原筮元永貞无咎，以剛中也。不  
寧方來，上下應也。後夫凶，其道窮也。  
象曰：地上有水，比。先王以建萬國。親  
諸侯，初六有孚，比之，无咎。有孚盈缶，  
終來有他吉。象曰：比之初六，有他吉  
也。六二，比之自內，貞吉。象曰：比之自  
內，不自失也。六三，比之匪人。象曰：比



之匪人不亦傷乎。六四外比之貞吉。象曰。外比於賢以從上也。九五顯比。王用三驅失前禽。邑人不誠吉。象曰。顯比之吉位正中也。舍音捨逆取順失。前禽也。邑人不誠上使中也。上六比之无首凶。象曰。比之无首无所終也。



乾下 巽上

小畜初六亨。密雲不雨自我西郊。彖

曰。小畜柔得位而上下應之曰小畜。健而巽剛中而志行乃亨。密雲不雨尚往也。自我西郊施始致未行也。象曰。風行天上小畜君子以懿文德。初九復自道何其咎吉。象曰。復自道其義吉也。九二牽復吉。象曰。牽復在中亦不自失也。九三輿說吐活輻。夫妻反目。象曰。夫妻反目不能正室也。六



四。有孚。血去。惕出。无咎。象曰。有孚。惕出。上合志也。九五。有孚。攣如。富以其鄰。象曰。有孚。攣如。不獨富也。上九。既雨。既處。尚德載。婦貞厲。月幾幾。望君子。征凶。象曰。既雨。既處。德積載也。君子。征凶。有所疑也。



乾上

履虎尾。不噬。人亨。象曰。履柔履剛也。說音而應乎乾。是以履虎尾。不噬。人亨。剛中正。履帝位而不疚。光明也。象曰。上天下澤。履君子以辯上下。定民志。初九。素履。往无咎。象曰。素履之往。獨行願也。九二。履道坦坦。幽人貞吉。象曰。幽人貞吉。中不自亂也。六三。眇能視。跛能履。履虎尾。愬人。武人爲于大君。象曰。眇能視。不足

剛也。說音而應乎乾。是以履虎尾。不噬。人亨。剛中正。履帝位而不疚。光明也。象曰。上天下澤。履君子以辯上下。定民志。初九。素履。往无咎。象曰。素履之往。獨行願也。九二。履道坦坦。幽人貞吉。象曰。幽人貞吉。中不自亂也。六三。眇能視。跛能履。履虎尾。愬人。武人爲于大君。象曰。眇能視。不足



以有明也。跛能履，不足以與行也。啞人之凶，位不當也。武人為于大君，志剛也。九四履虎尾，愬愬，山華終吉象反。象曰：愬愬終吉，志行也。九五夬履，貞厲。象曰：夬履貞厲，位正當也。去聲上九視履考祥，其旋元吉。象曰：元吉在上，大有慶也。



乾下坤上

泰。小往大來，吉亨。象曰：泰。小往大來，吉亨。則是天地交而萬物通也。上下交而其志同也。內陽而外陰，內健而外順，內君子而外小人。君子道長，丁文反小人道消也。象曰：天地交泰，后以財成，天地之道。輔相反息亮。天地之宜，以左音佐右音右。儲民初九，拔茅茹，以其彙。征吉。象曰：拔茅征吉，志在外也。九二



包荒用馮

馮音河

不遐遺。朋亡。得尚于

中行。象曰：包荒得尚于中行，以光大

也。九三：无平不陂。

陂反，彼偽

无往不復，艱

貞，无咎。勿恤其孚，于食有福。象曰：无

往不復，天地際也。六四：翩翩不富，以

其鄰，不戒以孚。象曰：翩翩不富，皆失

實也。不戒以孚，中心願也。六五：帝乙

歸妹，以祉，无吉。象曰：以祉无吉，中以

行願也。上六：城復于隍，勿用師，自邑

告命。貞吝。象曰：城復于隍，其命亂也。

☷

坤下 乾上

否

備鄙反

之匪人，不利君子貞，大往小

來。象曰：否之匪人，不利君子貞，大往

小來，則是天地不交而萬物不通也。

上下不交而天下无邦也。内陰而外

陽，内柔而外剛，内小人而外君子，小



人道長于文反君子道消也象曰天地

不交否君子以儉德辟音難去聲難不可

榮以祿初六拔茅茹以其彙音彙貞吉亨

象曰拔茅貞吉志在君也六二包承

小人吉大人否亨象曰大人否亨不

亂羣也六三包羞象曰包羞位不當

也九四有命无咎疇離祉象曰有命

无咎志行也九五休否大人吉其亡

其亡繫于苞桑象曰大人之吉位正

當也上九傾否先否後喜象曰否終

則傾何可長也

三三離下

同人于野亨利涉大川利君子貞象

曰同人柔得位得中而應乎乾曰同

人同人曰同人于野亨利涉大川乾

行也文明以健中正而應君子正也



唯君子為能通天下之志。象曰：天與火同人。君子以類族辨物。初九：同人于門，无咎。象曰：出門同人，又誰咎也。六二：同人于宗，吝。象曰：同人于宗，吝道也。九三：伏戎于莽，升其高陵，三歲不興，象曰：伏戎于莽，敵剛也。三歲不興，安行也。九四：乘其墉，弗克攻，吉。象曰：乘其墉，義弗克也，其吉則困而反則也。九五：同人先號咷而後笑。大。師克相遇，象曰：同人之先，以中直也。大。師相遇，言相克也。上九：同人于郊，无悔。象曰：同人于郊，志未得也。

三三

離  
上下

大有。元亨。彖曰：大有柔得尊位大中而上下應之曰大有。其德剛健而文明應乎天而時行是以元亨。象曰：火



在天上。大有。君子以遏惡揚善。順天  
休命。初九。无交害。匪咎。報則无咎。象  
曰。大有。初九。无交害也。九二。大車以  
載。有攸往。无咎。象曰。大車以載。積中  
不敗也。九三。公用亨。讀作于天子。小  
人弗克。象曰。公用亨于天子。小人害  
也。九四。匪其彭。步即无咎。象曰。匪其  
彭。无咎。明辨晷也。六五。厥孚交如。威  
如吉。象曰。厥孚交如。信以發志也。威  
如之吉。易反以鼓而无備也。上九。自天  
祐之。吉无不利。象曰。大有。上吉。自天  
祐也。



艮下  
坤上

謙亨。君子有終。象曰。謙亨。天道下濟  
而光明。地道卑而上時行。天道虧  
盈而益謙。地道變盈而流謙。鬼神害



盈而福謙人道惡烏路盈而好呼報

謙謙專而光卑而不可踰君子之終

也象曰地中有山謙君子以裒蒲侯

多益寡稱天物平施如鼓初六謙

謙君子用涉大川吉六二鳴謙貞吉

象曰鳴謙貞吉中心得也九三勞謙

君子有終吉象曰勞謙君子萬民服

也六四无不利撝謙象曰无不利撝

謙不違則也六五不富以其鄰利用

侵伐无不利象曰利用侵伐征不服

也上六鳴謙利用行師征邑國象曰

鳴謙志未得也可用行師征邑國也



豫利建侯行師彖曰豫剛應而志行

順以動豫豫順以動故天地如之而

况建侯行師乎天地以順動故日月



不過而四時不忒。聖人以順動則刑。罰清而民服。豫之時義大矣哉。象曰：雷出地奮，豫。先王以作樂崇德，殷薦之上帝，以配祖考。初六，鳴豫，凶。象曰：初六，鳴豫，志窮凶也。六二，介于石，不終日，貞吉。象曰：不終日，貞吉，以中正也。六三，盱豫悔，遲有悔。象曰：盱豫有悔，位不當也。九四，由豫，大有得，勿疑。

朋盍簪。象曰：由豫，大有得，志大行也。六五，貞疾，恒不死。象曰：六五，貞疾，乘剛也。恒不死，中未亡也。上六，冥豫成，有渝，无咎。象曰：冥豫在上，何可長也。



震下  
兌上

隨。元亨利貞，无咎。彖曰：隨，剛來而下避嫁柔，動而說悅音隨。大亨貞，无咎，而天下隨時，隨時之義大矣哉。象曰：澤



中有雷。隨。君子以嚮晦入宴息。初九。官有渝。貞吉。出門交有功。象曰。官有渝。從正吉也。出門交有功。不失也。六二。係小子。失丈夫。象曰。係小子。弗兼與也。六三。係丈夫。失小子。隨有求。得。利。居貞。象曰。係丈夫。志舍捨音下也。九四。隨有獲。貞凶。有孚在道。以明。何咎。象曰。隨有獲。其義凶也。有孚在道。明。

功也。九五。孚于嘉。吉。象曰。孚于嘉。吉。位正中也。上六。拘係之。乃從維之。王用亨音于西山。象曰。拘係之。上窮也。



巽下 艮上

蠱。元亨。利涉大川。先息薦甲三日。後

胡豆甲三日。柔曰蠱。剛上而柔下。巽

而止。蠱。蠱。元亨。而天下治也。利涉大川。往有事也。先甲三日。後甲三日。終。



則有始。天行也。象曰：山下有風，蠱，君子以振民育德。初六：幹父之蠱，有子考无咎，厲終吉。象曰：幹父之蠱，意承考也。九二：幹母之蠱，不可貞。象曰：幹母之蠱，得中道也。九三：幹父之蠱，小有悔，无大咎。象曰：幹父之蠱，終无咎也。六四：裕父之蠱，往見吝。象曰：裕父之蠱，往未得也。六五：幹父之蠱，用譽。

象曰：幹父用譽，承以德也。上九：不事王侯，高尚其事。象曰：不事王侯，志可則也。



兌下  
坤上

臨。元亨，利貞。至于八月，有凶。彖曰：臨，剛浸而長。反。說丁文悅音而順剛中而應。大亨以正，天之道也。至于八月，有凶，消不久也。象曰：澤上有地，臨。君子以



教思去聲无窮。容保民无疆。初九咸臨。貞吉。象曰。咸臨。貞吉。志行正也。九二。咸臨。吉。无不利。象曰。咸臨。吉。无不利。未順命也。六三。甘臨。无攸利。既憂之。无咎。象曰。甘臨。位不當也。既憂之。咎不長也。六四。至臨。无咎。象曰。至臨。无咎。位當也。六五。知音智臨。大君之宜。吉。象曰。大君之宜。行中之謂也。上六。敦臨。吉。无咎。象曰。敦臨之吉。志在内也。



坤下 巽上

觀官喚反。大觀。象觀。字並同。盟而不薦。有孚顒若。大觀在上。順而巽。中正

以觀天下。觀盥而不薦。有孚顒若。下

觀

如字。下觀。天大象觀。民之觀。六爻觀。字並同。

而化也。觀

天之神道。而四時不忒。聖人以神道設教。而天下服矣。象曰。風行地上。觀



先王以省

反 悉井

方觀民設教初六童

觀小人无咎君子吝象曰初六童觀

小人道也六二闕觀利女貞象曰闕

觀女貞亦可醜也六三觀我生進退

象曰觀我生進退未失道也六四觀

國之光利用賓于王象曰觀國之光

尚賓也九五觀我生君子无咎象曰

觀我生觀民也上九觀其生君子无

咎象曰觀其生志未平也



震下 離上

噬嗑亨利用獄彖曰頤中有物曰噬

嗑噬嗑而亨剛柔分動而明雷電合

而章柔得中而上時掌行雖不當位

利用獄也象曰雷電噬嗑先王以明

罰勅法初九履校音教滅趾无咎象曰

履校滅趾不行也六二噬膚滅鼻无



咎。象曰。噬膚滅鼻。乘剛也。六三。噬臍。肉遇毒。小吝。无咎。象曰。遇毒位不當也。九四。噬乾音肺。得金矢。利艱貞。吉。象曰。利艱貞吉。未光也。六五。噬乾肉。得黃金。貞厲。无咎。象曰。貞厲无咎。得當也。上九。何校。何可校。滅耳。凶。象曰。何校滅耳。聰不明也。



離  
上下

賁亨。小利有攸往。彖曰。賁。被偽。亨。柔來而文剛。故亨。分剛上而文柔。故小利有攸往。天文也。文明以止。人文也。觀乎天文。以察時變。觀乎人文。以化成天下。象曰。山下有火。賁。君子以明庶政。无敢折獄。初九。賁其趾。舍車而徒。象曰。舍車而徒。義弗乘也。六二。賁其須。象曰。賁其須。與上興也。九三。



賁如濡如永貞吉象曰永貞之吉終  
莫之陵也六四賁如皤白波如白馬  
翰如匪寇婚媾象曰六四當位疑也  
匪寇婚媾終无尤也六五賁于丘園  
束帛變爻又在千反吝終吉象曰六五  
之吉有喜也上九白賁无咎象曰白  
賁无咎上得志也



坤下  
艮上

剥不利有攸往彖曰剥剥也柔變剛  
也不利有攸往小人長也丁丈反順而  
止之觀象也君子尚消息盈虛天行  
也象曰山附於地剥上以厚下安宅  
初六剥牀以足蔑貞凶象曰剥牀以  
足以滅下也六二剥牀以辨蔑貞凶  
象曰剥牀以辨未有與也六三剥之  
无咎象曰剥之无咎失上下也六四



剥牀以膚凶。象曰：剥牀以膚，切近災也。六五：貫魚以宮人寵，无不利。象曰：以宮人寵，終无尤也。上九：碩果不食，君子得輿，小人剥廬。象曰：君子得輿，民所載也；小人剥廬，終不可用也。



震下  
神上

復亨，出入无疾，朋來无咎。反復芳福

作履其道七日來復，利有攸往。彖曰：象曰：復亨，剛反，動而以順行，是以出入无

疾，朋來无咎。反復其道，七日來復。天行也，利有攸往，剛長也。復其見天地之心乎。象曰：雷在地中，復。先王以至日閉關，商旅不行，后不省方。初九：不遠復，无祗悔，元吉。象曰：不遠之復，以脩身也。六二：休復，吉。象曰：休復之吉，以下仁也。六三：頻復，厲，无咎。象



曰。頻復之厲。義无咎也。六四中行獨復。象曰。中行獨復。以從道也。六五敦復。无悔。象曰。敦復无悔。中以自考也。上六迷復。凶。有災眚。用行師。終有大敗。以其國君。凶。至于十年不克征。象曰。迷復之凶。反君道也。




震下  
乾上

无妄。元亨利貞。其匪正有眚。不利有攸往。象曰。无妄剛自外來而為主於

內。動而健。剛中而應。大亨以正。天之命也。其匪正有眚。不利有攸往。无妄之往。何之矣。天命不祐。行矣哉。象曰。天下雷行。物與无妄。先王以茂對時育萬物。初九无妄。往吉。象曰。无妄之往。得志也。六二不耕獲。不菑。其畲。音餘。則利有攸往。象曰。不耕獲。未富也。



六三。无妄之災。或繫之牛。行人之得。邑人之災。象曰。行人得牛。邑人災也。  
九四。可貞。无咎。象曰。可貞无咎。固有之也。九五。无妄之疾。勿藥有喜。象曰。无妄之藥。不可試也。上九。无妄行。有言。无攸利。象曰。无妄之往。窮之災也。  
  
大畜。利貞。不家食。吉利。涉大川。彖曰。

乾下 艮上

大畜。剛健篤實。輝光日新。其德剛上而尚賢。能止健。大正也。不家食。吉。養賢也。利涉大川。應乎天也。象曰。天在山中。大畜。君子以多識。如字 又音志前言往行。下孟 反以畜其德。初九。有厲。利已。夷止 反象曰。有厲利已。不犯災也。九二。輿說。說。吐活 反輹。音服 又音福象曰。輿說輹中。无尤也。九三。良馬逐利。艱貞。曰閑輿。



衛利有攸往。曰讀象曰利有攸往。上

合志也。六四童牛之牯。古毒反元吉。象

曰六四元吉。有喜也。六五積符云豕反

之牙。吉。象曰六五之吉。有慶也。上九

何天之衢亨。象曰何天之衢。道大行

也。



震下 艮上

頤貞吉。觀頤。自求口實。彖曰頤貞吉。

養正則吉也。觀頤。觀其所養也。自求

口實。觀其自養也。天地養萬物。聖人

養賢以及萬民。頤之時大矣哉。象曰

山下有雷。頤君子以慎言語節飲食。

初九舍諧爾靈龜。觀我朵頤。凶。象曰

觀我朵頤。亦不足貴也。六二頤頤拂

經于丘。頤征凶。象曰六二征凶。行失

類也。六三拂頤貞凶。十年勿用。无攸



利象曰十年勿用道天悖也六四顛  
願吉虎視眈眈其欲逐逐无咎象曰  
顛願之吉上施反也六五拂經  
居貞吉不可涉大川象曰居貞之吉  
順以從上也上九由顛厲吉利涉大  
川象曰由顛厲吉大有慶也

三三

巽下  
死上

大過棟撓乃教利有攸往亨象曰大

過大者過也棟撓本末弱也剛過而  
中巽而說悅音行利有攸往乃亨大過  
之時大矣哉象曰澤滅木大過君子  
以獨立不懼遯世无悶初六藉在夜  
用白茅无咎象曰藉用白茅柔在下  
也九二枯楊生稊徒藉反老夫得其女  
妻无不利象曰老夫女妻過以相與  
也九三棟撓凶象曰棟撓之凶不可



以有輔也。九四棟隆吉。有它吝。象曰：棟隆之吉，不撓乎下也。九五枯揚生華。老婦得其士夫，无咎。无譽。象曰：枯揚生華，何可久也。老婦士夫，亦可醜也。上六過涉滅頂，凶，无咎。象曰：過涉之凶，不可咎也。

☵

坎下  
坎上

習坎有孚，維心亨，行有尚。彖曰：習坎。

重

直龍反

險也。水流而不及盈，行險而不

失其信，維心亨，乃以剛中也。行有尚

往有功也。天險不可升也，地險山川

丘陵也。王公設險以守其國，險之時

用大矣哉。象曰：水洊在薦反至，習坎君

子以常德行，下孟反習教事。初六習坎

入于坎窞，徒坎反凶。象曰：習坎入坎

失道凶也。九二坎有險，求小得。象曰：



求小得未出中也。六三來之坎坎險且枕。針甚反入于坎窞。勿用。象曰：來之坎坎終无功也。六四樽酒簋二用缶。納約自牖終无咎。象曰：樽酒簋二剛柔際也。九五坎不盈祗既平。无咎。象曰：坎不盈中未大也。上六係用徽纆實于叢棘。三歲不得凶。象曰：上六失道凶三歲也。



離上  
離下

離利貞亨。畜牝牛吉。象曰：離麗也。日月麗乎天百穀草木麗乎土。重直龍明以麗乎正乃化成天下。柔麗乎中正故亨。是以畜牝牛吉也。象曰：明兩作離大人以繼明照于四方。初九履錯錯七反各然敬之无咎。象曰：履錯之敬以辟咎也。六二黃離元吉。象



曰。黃離元吉。得中道也。九三。日昃之  
離。不鼓缶而歌。則大耋之嗟。凶。象曰。  
日昃之離。何可久也。九四。突如其來  
如。焚如。死如。棄如。象曰。突如其來如。  
无所容也。六五。出涕沱若。戚嗟若。吉。  
象曰。六五之吉。離麗王公也。上九。王  
用出征。有嘉折首。獲匪其醜。无咎。象  
曰。王用出征。以正邦也。



山

山

山

山

山

山

山

山

